

Henny Eman: MEP MESTER PUNTRA SU MES SI E KIER CUMINSA TRAHA

ORANJESTAD(AAN) -- Promer Ministro Henny Eman a condena e actitud di e partido MEP durante tratamento di e aumento di pensioen di biejez den Staten, tabata e mes un actitud negativo y anti-Pueblo cu nos a conose di nan den gobierno durante e ultimo cinco aña. MEP mester puntra su mes si e kier cuminsa traha pa Pueblo of sigui traha contra nos Pueblo. Esaki tabata reaccion di Promer Minister Henny Eman despues di a tende e reaccion di e lider di oposi-

cion Nel Oduber comenta e aumento di pensioen di biejez cu AVP y su partner de coalision OLA a logra pa nos Pueblo. Henny Eman ta e persona cu despues di a rescata e economia di Aruba den su promer gobierno, a declara enfaticamente cu awor e rikesa di nos pais mester bai pa nos hendenan. Den promer lugar esnan cu mas akeda atras, nos grandinan, esnan mas vulnerabel den nos comunidad y nos trahadornan. Y esei a bira e punto principal di e maneho di e gobierno nobo cu Henny Eman atrobe como Promer Ministro. Ta Henny ta e persona cu pa añanan largo cu insistencia y contra e corriente di consehonan negativo a sigui boga pa e aumento di pensioen pa nos grandinan. "E ta un inhusticia pa Aruba ta birando asina rico y nos grandinan ta sigui biba di un entrada miserabel asina. Esaki ta algo inacceptabel pa BO hasi cu Bo prohibonan."



E critica di MEP

E critica principal di MEP durante y despues di e tratamento di e ley den Staten, tabata cu e fondo ta bai caba y nos grandinan no lo por cobra nan pensioen mas. Ta pesei MEP lo a duna algo pero no un redoblacion completo manera AVP a boga pe y awor a keda accepta den Parlamento. Henny Eman a reacciona bisando cu esaki ta un specu-

lacion cu lo por sosede si no hasi nada y tur cos keda mescos cu e ta awor. Pero esei no ta e caso y si algo bai malo mes, esei no lo ta di un dia pa otro. Ta di hopi aña di adelanti Bo ta wak algo asina ta bai socede y Bo tin tur tempo pa cambia e maneho na tempo. Cu otro palabra e pronosticonan di MEP ta innecesariamente alarmante y sumamente speculativo y mas cu tur negativo cu e unico intencion di stroba nos grandinan di haya un entrada drechi. (Den pasado a purba hustifica pa no aumenta e pensioen door di bisa cu e aumento lo causa inflacion.) "Mescos nan a hasi cu trahamento di cas pa nos Pueblo. Semper tabata tin excusa pakiko no por a midi tereno y traha cas. Ata awor si por!"

Segun Henny Eman tin hopi factor cu ta garantisca cu e desaroyo cu MEP ta papia didje tin masha tiki chens pa bira realidad. Pa cuminsa

nos e conomia ta sigui crese (den calidad, productividad y rendimiento di capital), e entrada di nos trahadornan ta bai sigui crese, e pensioen di biejez ta bai ta e base di e entrada di esnan cu bai cu pensioen, pasobra ariba dje ta bai bin e pensioen general pa tur hende na Aruba. Hunto esaki lo bira e entrada di un pensionado den futuro. Nos por aña cu e fondo di pensioen mes lo por wordo structura mihor pa asina e crea mas capital di su mes, y finalmente tin un cantidad di placa di e fondo cu mester cobra y sigui cobra bon den futuro. Tur esakinan y mas actionnan di maneho lo garantisca cu e fondo lo no bira bashi pa afecta nos grandinan.

E excusanan di MEP pa trata di hustifica nan actitud contra nos grandinan, ta asina transparente cu den Pueblo ta puntra ta bira tempo pa MEP cambia nan actitud seriamente of busca otro cos di hasi.

**MUHER
MERICANO
DETENI NA
AEROPUERTO**
Awor ta nan
mes ta bin
buske!

ORANJESTAD (AAN): Ayera durante cu delegacion di Antiyas y Aruba ta tene un conferencia di prensa na aeropuerto, efectivonan contra droga ta pasa bay cu un muher Mericano deteni. E momento ey e delegacion a termina un dia di trabao muy enparticular relaciona con lo bay entre combati droga.

Ta parce cu recientemente e muher lo a yega Aruba na unda e lo a ricibi e mercancia y pa regresa Merca. Pero el a worde intercepta na aeropuerto.

Den su poder a worde haya menos di un kilo di Cocaina. Cu e captura di e muher por deduci cu e forma di transporta droga a bira dificil pa haya yiunan di tera pa hasi trabao di "mula" pa Merca.

Manera ta conoci cu den e ultimo tempo varios yiunan di tera a wordo usa pa transporta droga pa e pais di Uncle Sam. Awor cu tin un Mericano deteni e posibilidad por surgi pa haci un intercambio di detenido.

Un trabao cu pa medio di autoridad competente esaki lo por tuma lugar.

TIN HENDE Y TIN BESTIA !!!

